

永樂大典

卷〇八八四 遊字

卷〇八四五 遊字

卷〇八九〇 周字

永樂大典卷之八千八百四十四

遊

虎符郭守正紫雲韻遊行也。如交游。從游。多用此游字。義與遊同。不可兩押如游泳。却不同。釋行均龍龕手鑑道遊二俗。迂古遊通遊正。音由遊放。循歷也。韓道昭五音類聚迂以周切。走也。與遊義同。俗用。遶遶過遶。遶遶。並同。楊桓六書統喻母。鰲放行也。从走从𧰨。蕩子也。遶。隸韻同上。迂。

流遷並同楊桓六書統喻母鐸放行也从走从𠂔𠂔子也逕隸靜同上迂

虎符郭守正紫雲韻遨遊行也如交游從游多用此游字義與遊同不可兩押如游泳却不同釋行均龍念龍手鑑道遊二俗迂古遊通遊音由遊

放循環也。韓道昭五音類聚迂以周切走也。與遊義同。俗用。達達過達達。

流遷，並同。楊桓六書統：喻母，譌放行也。从走从孛，蕩子也。逕，隸，舒同上。迂。

隸籒適意遠行也从辵从去从自从追省言遠游者當早自追悔而還也

稽省文熊忠韻會舉要羽次濁音趙謙聲音文字通選从走意舊誤以為

游字古文今正此字改用於遨遊之義尤切又憂遊自如也亦借猶荀子

優猶知足作游遊非今書慢遊是好合正周禮八曰存貢俗字韻會定正

字切 鵲

家

從從德德

書並統六

書 隸 遊 石經公羊並洪 遊 帝亮 遊 唐扶 遊 夏堪碑並
論語 遊 邁漢隸分韻 碑 頌 漢隸字源

逕 並六 真 遊 王羲之 遊 王獻之 遊 智 遊 虞世 遊 顏真
書統 書 之 之 之 永 南 卿

遊 柳公 行 遊 並王 遊 智 遊 顏真 草 遊 智 遊
權 書 義之 果 卿 書 永 遊

懷 素 遊 並張 遊 並鮮 遊 趙子
錦溪 于樞 昂

赤水遊 莊子黃帝遊 蘭臺遊 文選宋玉風賦楚襄王遊蘭
於赤水之上 臺之宮有風颯然而至王披

襟當之曰快哉此風此 荆臺遊 藝文類聚楚昭王欲之荆臺遊司
寡人與庶人共者也 馬子綦進諫曰荆臺之遊左洞庭

之波右彭蠡之水南望獵山下 雲夢遊 淮南子所謂樂者遊雲夢
臨方淮其樂使人遺老而忘死 陟高丘耳聽九韶六莖口

味煎然芬芳馳騁夷道釣射鵬鵠之謂樂乎列女傳楚昭王燕遊蔡姬在
左越姬參乘王親乘駟馬以逐登附莊之臺以望雲夢之圃乃顧謂二女

曰樂乎吾願與子生若此通鑑漢高帝六年楚王信初之國行縣邑陳兵
出入人有告信反者帝問陳平平曰古者天子巡狩會諸侯陛下第出偽
遊雲夢會諸侯於陳信聞天子出游其執必郊迎謁而陛下因禽之此特
一力士之事耳帝以為然乃會諸侯於陳信謁上上令武士縛信載後車
信曰果若人言狡兔死走狗烹高鳥盡良弓藏敵國破謀
臣亡天下已定我固當烹上曰人告公反遂械繫信以歸

玄圃遊

穆天子傳天子遂襲崑崙之丘遊軒轅之宮眺望鍾山之嶺玩帝者之寶
勒石王母之山紀迹玄圃之上乃取其嘉禾艷草奇鳥怪獸玉石珍瑰之
器重膏銀燭之寶應天府志梁昭明太子愛文學士常與王筠劉孝綽陸
倕到洽殷鈞等遊宴玄圃太子獨執筠袖撫孝綽肩曰所謂左挹浮丘袖
右拍洪崖肩其見重如此太子性愛山水於玄圃穿築更立亭館與朝士
名素者遊其中嘗泛舟後池番禺侯執稱此中宜奏女樂太子不答詠左
思招隱詩云何必綠與竹
西河遊

劉向新序晉平公遊西河中流
而歎曰嗟乎安得賢士與共此

山水有清音軌懸而止

西河遊

劉向新序晉平公遊西河中流
而歎曰嗟乎安得賢士與共此

樂牛山遊

韓詩外傳齊景公遊於牛山而
北望齊曰美哉國乎鬱鬱蒼蒼

海上遊

劉向說
苑齊景

公遊海上樂

龍門遊

南史陸倕傳梁天監初倕為安成王主簿與樂安任昉友及昉為中丞舊裾輻湊預其燕

者殷雲到既劉苞劉孺劉顯劉孝綽及倕而己號曰龍門之遊雖貴公子孫不得預也

關中遊

王性之默記胡先生冀之

嘗謂滕公曰學者只守一鄉則滯於一曲則隘客卑陋必將四方盡見人情物態南北風俗山川氣象以廣其聞見則為有益於學者矣一日嘗自

吳興率門弟子數人遊關中至潼關路峻隘捨車而步既上至關門與滕公諸人坐門塾少憩回顧黃河抱潼關委蛇湧汨而太華中條環擁其前

一覽數萬里形勢雄張慨然謂曰此可以言山川矣學者其可不見之哉

烏衣遊

南史謝弘微傳弘微繼叔父混少所交納

唯與族子靈運瞻晦以文義賞會常共宴處居在烏衣巷故謂之烏衣之遊混詩所言昔為烏衣游戚戚皆親姓者也其外雖復高流時譽莫敢造

門蕭介傳介性高簡少交游唯與族兄琛從兄朏素及洽從弟淑等文酒賞會時人以比謝氏烏衣之遊

赤壁遊

宋蘇東坡

大全集赤壁賦云七月既望蘇子與客汎舟遊于赤壁之下又云夢一道士羽衣飄飄揖予而言曰赤壁之遊樂乎詳壁劉須溪集乳燕曲王朋益

僉事夜坐文江之上屢稱赤壁之遊樂酒餘索賦因取坐間語參差述之
赤壁之遊樂但古今風清月白更無坡作橋首中州公何許共我橫江
孤鶴把手笑孫劉寂寞頗有使君如今否看青山似我多前却幾見我伴
清酌江心舊豈非城郭撫千年桑田海水神遊非昨對影三人成六客

皆坐間語更倚歸舟夜泊尚聽得江城愁角渺渺美人兮南浦耿余懷感淚傷離索天正北繞飛鵲

湧金遊

元王憚秋湖集

予回轡共山有客過而問曰湧金之遊樂乎曰樂矣不無詩乎曰無有也
客曰事樂會之於心心樂寓之於口且蘭亭之勝至今尚為美談者其以
有託於斯文也客退於是乎書長短句以歌時蓋夏十四日也晚雲拂
山山氣昏坐來萬壑烘朝暎丹崖翠壁盡莫出但覺詩境供愁新地靈祠
古秘幽恠天授神柄專其尊年年簫鼓祠下路東風十里楊花春我來愛
此山水窟天氣着物清而溫湧金亭上一礪礪主人留髥醉金罇水邊洗
簪多巖人往來但看珠翠裙不知僊家足奇貨明珠脫串一一浮出摩尼
真波間可說不可擬雲錦繡動玻璃盆書生潤身那羨此席上正有吾家
珍舉盃酌水但默禱山靈垂意哀王孫願分秀色貯詩腹一洗萬斛胃中
塵仙官有請固不拒山鬼竊笑君無因不然結茅傍脩竹雲烟占斷西湖

曲月明舒嘯碧山巔
喚起公和跨黃鶴

蓬萊遊

高似孫騷略植臺松桂杉篁之表翠
樾如園一塵不汨字以蓬萊遊而有

其辭 綠連霧兮窈窕翠生香兮輕浮花得道兮無妍烏涉仙兮何愁心
太平兮太平功如水兮先秋喬松來兮樂去聲余蓬萊樂兮堪游

金霄遊

大洞經玉虛順玄
歸天晨金霄遊

姑射之游

宋江藻浮溪集答
梁丹林啓仙風道

曾早參姑射之遊聖諦
真詮盡發鍾山之秘

錦里遊

萬花谷西蜀有尼造補鬢香油本
州進之宮中謂之錦里遊乃幸蜀

樊杜勝遊

悅生隨抄唐公卿近郭皆有園池以至樊杜數十
里間林泉占勝布滿川陸至今基址尚存者寺皆

有山池曲江各置一
船舫以擬歲時遊觀

紫府勝遊

獻壽文黃學士壽吳丞相壽鄉
記山人之帳何如紫府之勝遊

壠上之書何如金壇之秘錄
壽鄉之所有人世之所無也

潘府英游

龍虎山志至大三年四
月贈高士陳義高真人

詰曰春坊德選藩府英游氣至
剛而貌羣庸韻不屑而邁前古

名園遊

事偶韻語晉王獻之字子
敬經吳郡聞顧辟強有名

園先不相識乘平負與入辟強方集賓客獻之遊歷旁若無人辟強怒曰
傲主人非禮也以貴驕士非道也令蒼頭驅出獻之傲然亦不屑意

小山遊

南史張稷齊永明中為刺史略不視事多為小山遊

山澤遊

南史到溉傳梁天監初任昉出

守義興要既治之郡為山澤之遊馬明叟實錄宋謝靈運與族弟惠連
何長瑜荀雍羊璿之以文章賞會共為山澤游時人謂之四友周容澄懷
錄許洵好遊山澤而體便陟涉以為非徒有勝情實有濟勝之具

白鹿山遊

通鑑綱目晉安帝元興二年燕王熙

與其后苻氏遊白鹿山后苻謨幼女也先行也士卒為虎狼所害及凍死者五千餘人

林澤遊

世說新語謝太傅稱脩齡

曰司州可與林澤遊

王胡之別傳曰胡之

山水遊

南史謝靈運傳靈運出為永嘉

常遣世務以高尚為情與謝安相善也

太守郡有名山水靈運素所愛好出守不得志遂肆意遊遨徧歷諸縣動
踰旬朔理人聽訟不復關懷所至輒為詩詠以致其意在郡一周稱疾去

竹林遊

續後漢書狂士傳阮咸字仲容父熙武都太守咸性達不拘與叔籍為竹林之游晉史揮塵王戎每與阮籍為竹林

之游戎嘗後至籍曰俗物已復來敗人意戎笑曰卿華意亦復易敗耳三
字蒙求晉稽康所與交者山濤阮籍向秀劉伶阮咸王戎為竹林之游世
稱竹林
七賢
田園遊
海錄碑事沈慶之既貴給三望車慶之謂人曰我每游履田園有人時與馬成三無人日與馬成二

今乘此安之遂
固讓三望車

出郊遊

世說新語王東亭作宣武主簿嘗春月與石頭兄弟乘馬出郊時彥同遊者連鑣俱

進石頭相邀小字中興書曰遊字伯道溫長子也仕至豫州刺史唯東亭
一人常在前覺數十步諸人莫之解石頭等既疲倦俄而來與回諸人皆
似從官唯東亭奕奕
在前其悟捷如此
踏青遊
成都志風俗舊以二月二日為踏青節都人士女絡繹遊賞綵幕歌酒散

在四郊歷政郡守慮有殫暴之虞乃分遣戍兵於岡阜坡塚之上立馬張
旗卓望之公曰慮有他虞不若聚之為樂乃於是日自萬里橋以錦繡器
皿結綵舫十數隻與郡僚屬官分乘之妓樂數舫歌吹前導命曰遊江於
是郡人士女駢集於八九里間縱觀如堵抵寶曆寺橋出醺于寺內寺前
初一露市縱民交易嬉遊樂飲復倍於往年薄暮方回公於馬上作歌其
略曰我身豈比狂遊輩蜀地重來治凋瘵見人非理則傷嗟見人歡樂生

慈愛竹馬遊

溫華瑣碎錄王元長曰小兒五歲曰鳩車之戲七歲曰竹馬之遊

八駿周遊

書林廣記八駿周遊周穆王少好神仙常欲使車轍馬跡徧於天下以倣黃帝焉乃乘八駿之馬奔戎為右造父為御又賜西王母於瑤池之上

九懷秦遊

高似孫繪略九懷秦遊君之來兮鞭潮令冰夷兮母騎撫余半兮安驅海難填兮魂銷龍翼斬兮既東

旌翠昏兮生埃蛟抗刃兮波亦嘯霧光兮蓬萊樂莫樂兮佳游哀莫哀兮忘歸蕭鍾兮鏡鼓吳歌兮楚舞魚飛兮鴈奔君之樂兮侯侯慙曄兮豈我陳席兮楚楚撰德兮蒼崖秦聲兮豪詡騎雜還兮鑒玲瓏窮禹迹兮窺踐宮民如蟹兮誰能聽海水作兮號魚龍歡未殫兮樂未終金母號兮漢旌

從赤松子遊

通鑑漢高祖五年張良素多病從上入關即道引不食穀曰家世相韓韓咸不愛千金之

資為韓報讎強秦天下振動今以三寸舌為帝者師封萬戶侯此布衣之極於良足矣願弃人間事欲從赤松子遊耳臣先曰夫生之有死譬猶夜旦之必然固未嘗有超然而獨存者也以子房之明辨達理足以知神仙之為虛詭矣然其欲從赤松子遊者其智可知也夫功名之際人臣之所

難處如高帝所稱者三傑而已淮陰誅夷蕭何繫獄非以復盛滿而不止耶故子房託於神仙遺棄人間等功名於外物置榮利而不顧所謂明哲保身者子房有焉宋楊誠齋集辭免除寶謨閣學士不允詔緇衣之好未嘗忘求舊之心亦松之遊自難回知足之志因進爾職庸昭至懷

從吾兒遊

西漢書漢張良傳高帝欲廢太子立趙王如意呂后恐使建成侯呂澤劫良畫計良曰此難以口舌爭也

顧上所不能致者四人以上媿侮士故逃匿山中義不為漢臣然上高此四人今令太子半辭安車固請宜來來以為客時從入朝令上見之亦一助也云云上破黥布歸愈欲易太子及宴置酒太子侍四人者從皆八十餘鬚眉皓白衣冠甚偉上怪問何為者四人各言其姓名上驚曰吾求公避逃我今公何自從吾兒游乎煩公幸卒調護太子四人為壽畢趨出上目送之召戚夫人指曰我欲易之彼四人為之輔羽翼已成難動矣戚夫人涕泣上曰為我楚舞吾為若楚歌歌曰鴻鵠高飛一舉千里羽翼已就橫絕四海橫絕四海又將奈何雖有繒繳尚安所施

從逢

干遊

史記漢朱雲折檻曰臣得下從龍逢比干遊於地下足矣

效潘岳遊

世說新語潘岳妙有姿容

好神情少時快彈出洛陽道婦人遇者莫不連手共縈之左
太冲絕醜亦復效岳遊遨於是群嫗齊共亂唾之委頓而返

給呂祿

遊

史記漢酈況給呂祿出遊周勃乃入提北軍誅諸呂

張耳雅遊

西漢書陳餘傳張耳雅遊多為人所稱師

古曰雅故也言其久故倦遊交結英傑是以多為人所稱聚也

主父困遊

兩漢書主父偃遊齊諸子問諸儒

生相與排擯不容於齊家貧假貸無所得北游燕趙中山皆莫能辱客甚困以諸侯莫足游者元光元年過八關見衛將軍上書闕下朝奏暮召

貴游

周禮師氏掌國中失之事以教國子弟凡國之貴游子弟學焉北史薛辯五世孫端自居選曹先盡賢能雖貴游子弟才劣行

薄者未嘗升推之唐韋應物詩貴游行漢帝外家子恩澤少封侯垂楊

拂白馬曉日上青樓上有顏如玉高情世無儔一作非無儔輕裾含碧烟

窈窕似雲浮良時無還景促節為我謳忽聞艷陽曲四坐亦已柔賓友仰

稱嘆一生何所求乎明擊鍾食入夜樂未休風雨憊歲候兵戈橫九州馬

知坐上客草草心所憂宋薛季宣浪語集貴游行沙堤大蓋何穹窿底

人佩玉鞍蒙絨僕如熊虎馬游龍誰何出入咸陽宮笑刀鉞體類芙蓉步

趣持重為雍容諸侯爰統掌百工調元為職裨九重萬錢一食齊鼓鍾猶
言下筋終無從異時糠歎腸不充家徒壁立其室遂抄撮語麗文彫蟲繪
為綉句欺南宮不分菽麥儔知儂且無萬卷洗胃中脂韋媿嬰陳小忠竭
民膏髓自為功搢笏觸事惟迎逢肯思責難始為恭君王謂賢拜三公門
如沸湯賄賂通財倖縣官邑侯封積金猶欲齊滿崇家有錢爐非範銅賣
官鬻獄揚成風後房的賺燕支紅皆民女婦來無蹤有憂失得常忪忪殺
賢賊能摧英雄汲將同類塞要衝害苗之心饒蝗蝻忽彎射并逢蒙弓怡
然自得豁心胃黥如抹漆何亦求向人自欺吃匪躬高自標置人盲聾立
言便擬稱儒宗學禪逃俗生談空元非友朋相磨礱世間將謂無軻雄言
出波流士與農却矜巧宦官既穹笑伊魯儒嗟道窮那知達人節青松眎
而土苴及蛆蟲古人雖異理道同姦邪未必皆令終君不見晉朝逆胡隲
金墉為奴為苻豈惟懷愍巡北戎唐姚合詩詠貴游貴游多愛向深春
到處香凝數里塵紅杏花開連錦障綠楊陰合拂朱輪鳳凰罇畔飛金盞
絲竹聲中醉玉人日暮垂鞭共歸去西園賓客附龍鱗劉兼詩貴游繡
衣公子宴池塘淑景融融萬卉芳珠華照天春未老管絃臨水日初長風
飄柳線金成穗雨洗梨花玉有香醉後不能離綺席擬憑青帝繫斜陽羅

隱詩貴游 館陶園外雨初晴。繡轂香車入鳳城。八尺家僮三尺箋。何知

高祖要蒼生。中興江湖集葉嗣宗貴游 五陵年少儘風流。十日安排一

日遊。林下幽人差省事。筆床茶竈使登舟。江湖續集武朝宗貴遊 銅車

轆轤輾芳塵。步障香移一片春。花下玉盤行禁燭。御前宣勅到湖濱。

出遊

詩泉水篇駕言出遊以寫我憂唐韋元旦詩奉和聖製出苑遊
鴈應制 彤闈曉闕問安迴。金輅春遊博望開。渭水晴光搖草

樹。終南佳氣入樓臺。招賢已徙高山老。託乘還徵鄴下才。臣在東周獨昏
滯。欣逢唐藻日邊來。唐僧皎然詩出遊 少時不見山。便覺無奇趣。

狂發從亂歌。情來任閑步。此心誰共證。笑看風吹樹。蘇東坡大全集上已
日與二三子攜酒出遊。隨所見輒作數句。明日集之為詩。故詞無倫次。伯

恭先生志林云黃州定慧院東小山上。有海棠一株。時繁茂。每歲盛開時。
必為置酒。已五醉其下矣。今年復與參寥及二三子訪焉。則園已易主。雖

市井人。然以余故。稍加培治。山上多老松。木花白而圓。香色皆不凡。以余
故。亦得不伐。既飲。復憩於尚氏之第。尚所居竹林花本皆可喜。醉卧閣上。

稍醒。聞生客在成。老婢雷琴作悲風。曉角聲鏗鏘。然意謂非人間也。曉乃步
出城東。入阿氏韓氏竹園。遂置酒竹陰下。興盡乃徑歸。元豐七年三月初

三日是也。薄雲霏霏不成雨。杖藜曉入千花塢。次公莊子原憲杖藜應門

柯丘海棠吾有詩。

子仁按黃州東坡圖云柯山四望直南高丘也故以名

柯丘東西隅海棠一株甚茂故云柯丘海棠也。獨笑深林誰敢侮。三杯卯

酒人徑醉。

子仁退之詩三杯取醉不復論一生長恨春何許一枕春睡日

停午次公先生詩又云三盃軟飽後一枕黑甜餘竹間老人不讀書留我

閉門誰教汝。

子仁晉王徽之傳吳中士大夫家有竹欲觀之使出造竹下

哺冰良久主人酒掃請坐徽之不顧將出主人閉門徽之賞之盡歡而去

出簷藂枳十圍大寫真素壁千蛟舞。

子仁按東坡圖云柯丘南而氏家有

叢枳甚大公嘗自為圖之故云寫真素壁千蛟舞者也東坡作塘今幾尺

子仁塘在東坡雪堂下先生詩文云會堂作堂徑千步携酒一勞農工苦

却尋流水出東門壞垣古塹花無主次公杜詩桃花一簇開無主卧聞桃

李為誰妍對立鵲鵲相媚嫵。

次公鄭文寶詩日暖鳬鷺行哺子溪深桃李

卧聞花開搏藉草勸行路不惜春衫汙泥土褰裳共過春草亭扣門却入

韓家園子仁按東坡圖云春草亭韓家園皆在東門外曉轡繩斷井深碧

師盧全詩三人寺暝木末曉轡無繩井百尺渴心歸去生塵埃鞦韆索掛

人何所映簾空復小桃枝乞漿不見膺門女乞漿事見留別釋迦院牡丹

亭超倅詩注南上方臺臨斷岸雪陣翻空迷仰俯故人餽我玉葉羹火冷
烟銷誰為煖崎嶇東蘊下荒徑子掌前刑適傳云里婦夜亡肉逐婦里母

即東蘊請火於亡肉家云治狗爭肉死遂還婦姪姪隔花間好語次公李
賀詩沙路歸來聞好語更隨落景盡餘樽却傍孤城得僧宇主人勸我洗

足眠次公先生詩又云洗足關門聽雨眠倒牀不復聞鍾鼓次公杜詩睡
美不聞鍾鼓傳明朝門外泥一尺始悟三更雨如許平生所向無一遂茲

遊何事天不沮固知我友不終窮宣弟君子神所予次公詩豈弟君子神
所勞矣又和陶潛遊斜川詩韻正月五日與兒子過出遊作 謫居淡無

事何異老且休雖過靖節年未失斜川遊春江綠未波人卧船自流我本
無所適汎汎隨鳴鷗中流遇洑洄捨舟步層丘有口可與飲何必逢我儔

過子詩似翁我唱兒輒酬未知陶彭澤頗有此樂不問點爾何如不與聖
同憂問翁何所笑不為由與求蘇穎濱集次韻子瞻端午日與遲迨遠三

子出遊 人生逾四十朝日已過午一違少壯樂日迫老病苦丹心變為
灰白髮繁可數惟當理鉏耰教子藝授黍誰令觸網羅展轉在荆楚平生

手足親但作十日語朝游隔提攜夜卧困烝煖未歌唐 詩已治芻靈祖
士生際風雲富貴若騎虎奈何貧賤中所欲空齟齬洪忠宣公鄱陽集次三

月望日出遊。無馬假犢車。豈必未升轡。駕言暫出遊。寫憂慰窮獨。尋芳
不見花。宿莽埋榘榘。區區十里間。良友始追逐。晤語得正人。頗欣富方殺。
書齋大蕭條。四面少林麓。欲作納涼亭。因茲出求木。履橋雖云安。欬柱恐
顛覆。臨深念垂堂。徒行漫捫腹。道險能摧輪。畏聞聲轆轤。形骸久衰憊。搖
几屢顰蹙。五方民雜居。瀕澤非廣谷。雞犬或相聞。要知是荒服。跋涉頻問
津。引領主人屋。老稚俱迎門。擊鮮饋豚肉。日暮途阻脩。還轅不辭速。吻燥
藉醇醪。餬口資鰕粥。翌日觀新詩。珠璣圓且熟。可追寶劍篇。高誦素靈哭。
宋王十朋梅溪集上元山中百姓出遊作三章諭之。鄰里相呼入郡城。
已歌楚舞沸歡聲。三宵遊罷同歸去。勉力耕桑事父兄。三日嬉游喜遇
晴。還家又見麥青青。但須及早輸租稅。莫要勾呼到訟庭。好去耕耘隴
上田。但能勤苦有豐年。家家飽暖身康健。更向明年看月圓。陳后山詩和
黃生出遊三絕句。右坊左里遠相求。東度南登稱意遊。皆是日宵鉢已
著。蓮峯坊目極。不應疾雨使心休。日極用王粲賦意諸郎聯壁萬人看。
新有詩聲伯仲間。作意登臨還得句。此生寧復要長閑。謝靈運有登臨海
嶠詩。孟郊詩。夜學曉不休。苦吟神鬼愁。如何不自開心。與身為儔。勝欲
登臨強作歡。衣冠未動意先閑。從今泉石非吾事。只借君詩細細看。東坡